

Republika Bosna i Hercegovina
KANTON SARAJEVO
Kantonalna uprava civilne zaštite

PRIMLJENO: 14.06.2023.

Organizaciona jedinica	Klasifikaciona oznaka	Redni broj	Broj prijava
			805

UGOVOR
za nabavku usluge kolektivnog osiguranja uposlenika

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, ID broj: 4200665390008 koju zastupa direktor, Dženan Brkanić (u daljem tekstu: **Ugovarač osiguranja**)

i

2. **ASA CENTRAL OSIGURANJE DD SARAJEVO**, ul. Trg Međunarodnog prijateljstva br. 25., 71000 Sarajevo, ID broj: 4201261240009 kojeg zastupa direktor, Adnan Hodžić, (u daljem tekstu: **Osiguravatelj**).

II DEFINICIJE U UGOVORU

Osiguranci: Uposlenici zaposleni kod Ugovarača osiguranja.

Korisnik osiguranja: Uposlenik kojem se vrši isplata osigurane svote.

Osigurani slučaj: Iznenađni i od volje osiguranika nezavisni događaj koji se desi pri vršenju ili izvan vršenja redovnog zanimanja (24 sata dnevno), a ima za posljedicu osiguranikovu smrt usljed bolesti, smrt usljed nezgode, trajni invaliditet usljed nezgode, troškove liječenja u bolnici i dnevna naknada po danu za boravak u bolnici.

III PREDMET UGOVORA

Član 1.

Predmet ovog ugovora je nabavka usluge kolektivnog osiguranja uposlenika Ugovarača osiguranja, prema specifikaciji iz TD, za period od 12.06.2023. godine u 00:00 sati do 31.03.2024. godine do 24:00 sati, za 51 uposlenika.

Ovaj ugovor se zaključuje na osnovu Odluke o izboru najpovoljnijeg ponuđača, broj: 06-11-686-8/23 od 30.05.2023. godine i ponude Osiguravatelja, broj:1-13861/23 od 22.05.2023. godine, izabrane od strane Ugovarača osiguranja u postupku konkurentskog zahtjeva.

IV UGOVORENA CIJENA

Član 2.

Ugovorena premija osiguranja iznosi 4,395 KM mjesečno po svakom osiguraniku Ugovarača osiguranja.

Ukupno ugovorena premija osiguranja na godišnjem nivou za 51 osiguranika Ugovarača osiguranja, u vrijeme zaključenja ovog ugovora, iznosi: 2.689,74 KM (slovima: dvijehiljadešeststotinaosamdesetdevet i 74/100 KM).

Predmetne usluge osiguranja su oslobođene od obračuna PDV-a u BiH, u skladu sa Zakonom o porezu na dodanu vrijednost ("Službeni glasnik Bosne i Hercegovine" broj: 9/05, 35/05, 100/08 i 33/17).

V NAČIN I ROK PLAĆANJA

Član 3.

Plaćanje predmetne usluge Osiguravač osiguranja će izvršiti u cjelokupnom iznosu po potpisanom ugovoru i ispostavljenoj fakturi, najkasnije u roku do 30 dana od dana prijema iste, putem JRT Kantona Sarajevo na žiro račun Osiguravatelja, uplatom na žiro-račun broj: 134 610 10001661 41 otvoren kod ASA Banka d.d. Sarajevo.

VI ROK ISPLATE ZA NASTALU OSIGURANU ŠTETU

Član 4.

Rok isplate osigurane sume je 30 (slovima: trideset) dana i računa se od dana prijave osiguranog slučaja sa kompletnom dokumentacijom, u skladu sa Zakonom i uslovima za osiguranje lica. Osiguranje važi od 00,00 sati dana koji je označen kao početak osiguranja, a prestaje u 24,00 sata dana koji je u polici naveden kao dan isteka osiguranja.

VII POLICA OSIGURANJA

Član 5.

Za osiguranje osiguranika Ugovarača osiguranja od smrti uslijed bolesti, smrti uslijed nezgode, trajnog invaliditeta uslijed nezgode, kao i dnevnu naknadu i troškove liječenja, Osiguravač će izdati Ugovaraču osiguranja posebnu policu osiguranja, a u skladu sa ovim Ugovorom. Polica o osiguranju, iz prethodnog stava, zajedno sa spiskom 51 osiguranika Kantonalne uprave civilne zaštite Kantona Sarajevo, čine sastavni dio ovog ugovora.

VIII VRIJEME TRAJANJA I MJESTO ISPORUKE USLUGE

Član 6.

Ovaj Ugovor se zaključuje na period od 12.06.2023. godine u 00:00 sati do 31.03.2024. godine do 24.00 sati.

Usluge osiguranja obuhvataju nezgodu na poslu i van posla, punih 24 sata dnevno i sedam dana sedmično bez teritorijalnog ograničenja.

IX OBAVEZE UGOVARAČA OSIGURANJA

Član 7.

Ugovarač osiguranja pripremit će spisak sa brojem, imenom i prezimenom osiguranika za Policu o osiguranju, i isti dostaviti Osiguravatelju u prilogu ovog Ugovora.

Ugovarač osiguranja će dostavljati eventualne promjene broja, imena i prezimena osiguranika Osiguravatelju najkasnije u roku od 10 dana od dana nastanka promjene po bilo kojem osnovu (osiguranje pokriva period od dana nastanka promjene, a ne od dana dostavljanja obavijesti).

X OBAVEZE OSIGURAVATELJA

Član 8.

Osiguravatelj se obavezuje da će osigurati 51 osiguranika Ugovarača osiguranja, na period definisan ovim Ugovorom, te da će izdati policu osiguranja na način definisan u članu 5. ovog Ugovora.

U slučaju da se desi osigurani slučaj, Osiguravatelj je obavezan na isplatu punih osiguranih suma za smrt uslijed bolesti i nezgode, kao i dnevnu naknadu i troškove liječenja, prema svojoj ponudi broj: 1-13861/23 od 22.05.2023. godine. Suma osiguranja ugovorena je u KM.

Osiguravatelj isplaćuje osiguranu sumu za invalidnost u procentu koji odgovara procentu invaliditeta i vrsti povrede, u skladu sa uslovima za osiguranje lica.

Osiguravatelj se obavezuje da će uvažiti sve eventualne promjene broja, imena i prezimena osiguranika dostavljene od strane Osiguravača osiguranja po bilo kojem osnovu.

XI RJEŠAVANJE SPOROVA

Član 9.

Eventualno nastali spor po ovom Ugovoru, ugovorne strane će riješiti sporazumno, a ukoliko to nije moguće spor će riješiti Općinski sud u Sarajevu.

XII PRELAZNE I ZAVRŠNE ODREDBE

Član 10.

Osiguravatelj nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 11.

Na odredbe ovog ugovora, kao i za sve što nije regulisano ovim ugovorom, primjenjivat će se odredbe Zakona o obligacionim odnosima.

XIII STUPANJE NA SNAGU

Član 12.

Ugovor stupa na snagu danom potpisivanja obje ugovorne strane.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

XIV TUMAČENJE UGOVORA

Član 13.

Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

Pripremio



OSIGURAVATELJ
ASA CENTRAL OSIGURANJE DD



M.P.



UGOVARAČ OSIGURANJA



Broj: 17187/23
U Sarajevu, 17.06.2023. godine

Broj: 06-11-686-10/23
U Sarajevu, 12.06.2023. godine